







平□□□伯擁旄揚旆□羣牧之□鳴□拊珪表諸
侯之牙□□驃騎大將軍□□直閣□□儀同三
司霍□姚之出塞切□絕□□之居□□□
□□周武帝親鳴鉦鼓躬馬貔貅□□再駕□師
晉陽無□按之□齊□□行□窘□□□勇
亡□□□率所領備身並皆用□□□壽
春之報無救□陵之禍於是計□力屈釋甲按戎初
從文□之祀更荷純臣之遇周□使持節□開府儀
同大□軍封德陽郡公食邑一千五百戶□□燕
入趙唱國君之爵命背楚□漢淮陰侯之典□擬必

□倫期之謂也俄□□□□賁中太□黃扉金印
 已□槐而儀槐而□棘書組銀章復□□□□
 □□□□_下關迥傲擾三魏叛換兩河引天齊而色地
 □□成臯而臨□□□甚仁理衆均□□□上時
 推納揆□開霸業□廟□□動節之兵□□□□
 □□□□_下關□□□□□□□□□□□□□□
 之戎斯授乃以公爲行軍總管公密運豹韜深□虎
 况縱□□□識成□□之勢克□□實□□授
 大將軍尋轉柱國□封一子□□□□□□□□_下關
 任轉屯□柏梁有金撫之辭官如水相耐人有□□

之秩固乃以□□而非真□前拜□□光□談者
 爲榮洎乎俗□弦歌□逢樹□□□□□□□□
_下關□□□同出羽儀□攀鯖衛王以帝弟之尊鎮之
 隴右兆□□□妙選□□□州公以□□之
 副初帶□官別道行軍公□略有方□□□□□
 □□□柳之警荒服來次關之貢□旨褒稱宣示
 遐邇涼□□□□□州□我戍□北關路通西
 域接流沙於千里統強兵於五部自□□□□□
 □□□□_下關持節總管涼甘瓜三州諸軍事
 涼州刺史臨飛□之□□□□之地讓□技□無別

常□□□槐□□□□□□□□□□其□□下□□

內□聲華□□□西寄□□□□□□□□□□

□□□□_下之金□含榮□無犯無侵□□□□□□

□音□□□□光陰□□□□□□□□□□武庫

□唐□陵松□□□令□□□□□□□□□□□□

□□□□_下關□□□□□□□□□□□□□□□□

右碑磨泐特甚撰書人名不可攷惟額尙存題大

隋柱國德陽公之碑九篆字墓中人姓名亦不可

攷可釋者有云烏氏人也晉爲盟主蓋述其先世

也有云□府號州刺史司空與文宣云云文宣北

齊顯祖高洋又云除驤威將軍員外此公在齊所

除官位又云周武帝親鳴鉦鼓躬馭貔又云壽

春之報無救□陵之禍於是計疎力屈釋甲按戎

此指周武帝建德五年十月總戎伐齊事北史武

帝紀云十二月齊主自將輕騎走鄴周主詔齊王

公以下示以順逆之道於是齊將帥降者相繼據

碑所云似亦在此時降于周也又云周使持節□

儀同大將軍封德陽公食邑一千戶又云以公爲

行軍摠管又授大將軍尋轉柱國封一子此在周

使持節總管涼甘瓜三州諸軍事涼州刺史此指
 在隋所除之官攷北史隋文帝子秦王俊開皇三
 年遷秦州總管隴右諸州盡隸焉卽碑所謂帝弟
 之尊鎮之隴右是也德陽公亦在所隸也又云□
 □年□月十四日薨於京第春秋七十有九卽以
 其年□月厝於九嶷山其卒葬年壽所載如此年
 月已泐不能詳攷也又云嗣子武泉郡開國公孝
 讓孝讓之名隋史北史俱無傳不可攷也餘皆不
 復成文攷北朝梁氏爲安定烏氏人德陽公或亦
 梁姓也此碑雖在昭陵墓田之內而非陪葬者因
 在其地故附錄之其書法頗似虞永興廟堂碑不
 知是虞書否也

昭陵碑攷卷十二

當湖孫三錫桂珊甫撰

昭陵陪葬攷

按醴泉志太宗昭陵在縣之西北五十里長安志稱六十里陵廟志云在縣東三十里九巖山白鹿長樂瑤臺三鄉界古逢蒲村下宮去陵一十八里封內周一百二十里其諸書所載道里有不同者或指古縣而言也文獻通攷貞觀十八年帝謂侍臣曰昔漢家皆先造山陵既達終始身復親見又省子孫經營不煩費人功古者因山爲墳此誠便事九巖山孤聳迥

絕因而傍鑿可置山陵處朕有終焉之理乃詔營山陵於九峻山之上足容一棺而已務從儉約又佐命功臣義深舟楫追念在昔何日忘之漢氏將相陪陵又給東園祕器篤終之義恩意深厚自今以後功臣密戚及德業佐時者如有薨亡賜營地一所及賜祕器使窀穸之時喪事無闕凡功臣密戚請陪陵葬者聽之以文武左右而列墳高四丈以下三丈已上若父祖陪陵子孫從葬者亦聽之若官人陪葬則陵戶爲之成墳諸陵皆置留守領甲士與陵令相知巡警左右兆域內禁人無得葬埋古墳則不毀之冊府元

龜載二十年八月丁亥詔曰周室姬公陪於畢陌漢庭蕭相附彼高園寵賜墳塋聞諸上代從窆陵邑信有舊章蓋以懿戚宗親類同本之枝幹元功上宰猶在身之股肱哀榮之義實隆始終之契斯允今宜幸遵故實取譬拱辰庶在烏耘之地無虧魚水之道宜令所司於昭陵左右廂封境取地仍卽標識疆域擬爲葬所以賜功臣其有父祖陪葬子孫欲求從葬者亦宜聽允新唐書太宗本紀貞觀二十年八月許陪葬子孫從葬此昭陵封域賜地陪葬之始末也其陪葬諸臣據宋游師雄昭陵陪葬圖有文德皇后墓舊

有碑太宗御製今亡僅存碑座所載諸臣碑十七八
九今就圖中列入者如嬪公主宰相以及文武三品
以下諸臣之墓所云文武左右而列之語已都錯雜
與諸書互證頗多闕誤如諸書載諸王七人圖全不
載妃嬪七人圖存其六曰賢妃鄭氏趙國夫人楊氏
太妃許氏才人徐氏先妃陸氏鄭國夫人證之文獻
通攷所載闕越國太妃燕氏彭城郡夫人紀國太妃
韋氏而增多太妃許氏先妃陸氏載公主十五人曰
常山衡陽豫章襄陽城陽安康蘭陵清河長沙高密
南平長樂汝南普安臨川與文獻所載少晉國新興

遂安新城長廣襄城六公主而增多襄陽汝南普安
臨川常山五公主諸書載駙馬十六人圖止載阿史
那社爾薛瓘二人通志及長安志載宰相十三人圖
止載十一人中有崔安上一人而闕岑文本男景倩
魏徵二人而增多閻立本一人諸書及文獻載丞郎
三品以下及勳臣密戚大將軍一百八人圖止載四
十八人又內侍王君及張阿難二人圖亦不載又圖
載孫武達疑卽公孫武達張君綽疑卽杜君綽崔安
上卽崔敦禮字也金石萃編謂爲長安志所不載殆
未細攷耳圖載又有王守安李聲師王君愕三人圖

載薛國忠疑卽薛國公阿史那忠此志與文獻所不載也至乙速孤晟乙速孤昭祐乙速孤行儼本不在昭陵墓田之內宜文獻所不載也又圖載楊思道長安志作楊思訓劉黑闥志作吳黑闥尉遲寶琳志作尉遲保林周護仁志作周仁護申進達志作牛進達志昇圖載互有錯謬又圖載陵東有高頰西南有甯府君二墓又東北有皇元墓此皆不在昭陵墓田之內文獻所不載也金石萃編云其姓氏之與志異者志有姚思廉高士廉圖作姚士廉合爲一人而證之圖載實有高士廉墓而無姚士廉之榜攷古者其可忽畧歟復檢醴泉志證之志載諸王十一人文獻及長安志載七人曰蜀王愔劉昫舊唐書唐會要長安志新唐書文獻通攷俱有惟長安志及醴泉縣舊志於功臣大將軍內又有益州都督王愔重出曰趙王福舊史會要長安志新史文獻俱有紀王慎會要長安志文獻俱有舊史但云中興初追復官爵令以禮改葬新史云慎子琮琮子行休始琮與二弟同死桂林開元四年行休請身迎柩旣至無封樹議者謂不可復得行休掃地布席以祈是夜夢王乘舟舟判爲二旣而適野見東洲中斷乃悟又曰始諸王自垂拱

後被害者皆橐掩之神龍初詔州縣普加求訪諸王皆陪葬獻昭二陵則尙有琮等耐也曰先妃陸氏諸書所無惟昭陵圖有之今碑尙存殆耐紀王者不得入陪葬也曰嗣紀王澄曰越王貞會要長安志文獻俱有舊史但云開元四年令備禮改葬新史云開成中女孫持四世喪北還求附王塋詔嘉憫敕宗正寺京兆府爲訪其兆非陪陵者聽葬子琅邪王沖長安志文獻有俱作瑯琊王駢在丞郎三品中舊史云冲于開元四年詔追復爵土令備禮改葬次子常山公倩會要長安志文獻俱有在丞郎三品中舊史云倩封常山公歷常州別駕文獻通攷及讀禮通攷舊志俱作常州公誤也子臨淮公規少子琅邪公珍會要長安志文獻俱有在丞郎三品中舊志珍闕載新史貞最幼子珍子宗室世系表有臨淮公珍子當卽其人文獻作琅邪王珍誤也曰曹王明舊史會要長安志新史文獻俱有子千金公俊會要長安志文獻俱有在丞郎三品中文獻作裾者非孫左武衛將軍蔡國公承祖會要長安志文獻俱有在功臣大將軍中宗室世系表蔣王房煜子承祖曾孫宗正卿之芳會要長安志文獻俱有在丞郎三品中舊史暉子煌煌

孫之芳宗室世系表云之芳承祖子承祖煜子煜煜
未知孰是醴泉志作煜則更誤矣曰江夏王道宗曰
襄武王琛會要長安志文獻俱有在丞郎三品中琛
作西平郡王新史無陪葬文曰父西平王安舊志有
舊史襄武王父安武德初追封爲西平王但無陪陵
事諸書亦無安名宗室世系表西平懷王安字元德
隨右領軍大將軍趙郡懷公子襄武郡王琛字惟寶
一字道恭西平與襄武分明二人文獻作西平郡王
琛者以二人合爲一也曰恒山王承乾子懷州別駕
象諸書所無按舊史李適之傳適之恒山王承乾之
孫也父象官至懷州別駕開元二十七年適之以祖
得罪見廢又遭則天所黜葬禮有闕上疏請歸葬昭
陵之闕內於是下詔追贈承乾爲恒山愍王象爲越
州都督郇國公伯厥及兄數人並有褒贈數喪同至
京師葬禮甚盛仍刻石于墳所新史畧同則陪葬之
有承乾象二墓無疑文獻所闕載也惟世系表厥適
之叔父未知孰是醴泉志載公主二十一人駙馬合
葬者十九人子耐者二人曰清河公主駙馬程懷亮
會要長安志俱同新史公主傳作處亮知節子文獻
作知亮誤也晉安公主駙馬韋思安公主傳云又嫁

楊仁輅會要長安志俱有文獻作晉國駙馬韋思安陪葬而無楊仁輅曰豫章公主駙馬唐善識會要長安志文獻俱有舊史公主傳善識唐儉子新史與讀禮通攷俱作義識唐儉碑又作尙識未知孰是宰相世系表亦作善識自相牴牾如此曰新興公主駙馬長孫曦曰蘭陵公主駙馬竇懷哲會要長安志舊史俱有文獻作懷哲與世系表同曰高密公主駙馬段綸會要長安志文獻俱有新史公主傳云下嫁長孫孝政又嫁段綸永徽六年主薨遺命吾葬必令墓東向以望獻陵冀不忘孝也曰長樂公主駙馬長孫沖會要長安志文獻俱有世系表沖无忌子曰遂安公主駙馬王大禮會要長安志文獻同新史傳云公主下嫁竇逵逵死又嫁王大禮世系表達抗之孫靜之子也文獻載王大禮陪葬而無竇逵曰南平公主駙馬劉元懿會要長安志文獻俱有新史傳云公主下嫁王敬直以累斥嶺南更嫁劉元意諸書作元懿史作元意必有一誤也曰衡陽公主駙馬阿史那社爾會要長安志文獻俱有長安志於功臣大將軍中又有阿史那社爾重出與讀禮通攷同文獻通攷作阿史那杜爾誤也舊史阿史那社爾傳云起家以象葱

山仍爲立碑新史則畧而不載子左屯衛大將軍道
眞新史歷左屯衛大將軍咸亨初爲邏安道副總管
與薛仁貴討吐蕃以援吐谷渾爲論欽等所敗盡失
其兵詔有事問狀免死爲民得葬昭陵蓋祔其父也
會要長安志文獻通攷俱有在功臣大將軍內曰新
城公主駙馬韋政舉會要長安志新唐書文獻通攷
俱有新史公主傳云下嫁長孫詮詮以罪徙雋州更
嫁韋正矩讀禮通攷亦作韋正矩攷宰相世系表作
正矩爲彭城公房之後傳云正矩遇王無禮公主暴
薨高宗詔三司雜治正矩不能辯伏誅以皇后禮葬

主昭陵旁據此則正矩尙得陪葬亦奇矣長孫詮无
忌同曾祖之從子也曰城陽公主駙馬薛瓘會要長
安志文獻通攷俱有新史傳云下嫁杜荷坐太子承
乾事誅又嫁薛瓘宰相世系表瓘西祖興之裔孫傳
云麟德初瓘歷左奉宸衛將軍主坐巫蠱斥瓘房州
刺史主從之官咸亨中主薨而瓘卒雙柩還京師文
獻通攷作城王公主誤也曰長廣公主駙馬楊思道
舊史會要長安志文獻通攷俱有舊史云并爲立碑
新史云公主始封桂陽下嫁趙慈景討堯君素戰死
贈秦州刺史諡曰忠公主更嫁楊思道陝西通志陵

墓卷載陪葬昭陵分廣陽師道爲二公主封國通志之誤世系表思道恭仁第也曰襄城公主駙馬蕭銳舊史會要長安志新史文獻通攷俱有新史公主傳云下嫁蕭銳銳銳之誤銳卒更嫁姜簡攷宰相世系表銳瑀之子簡行本子見姜確傳文獻通攷二人皆陪葬昭陵簡入功臣大將軍中子衛州刺史蕭守業會要長安志文獻通攷俱有在丞郎三品中作蕭鄴讀禮通攷作蕭業宰相世系表作守業與志同曰長沙公主駙馬豆盧懷讓會要長安志文獻通攷俱有惟長安志作竇盧讓讀禮通攷與傳同文獻無懷字宰相世系表懷讓寬之子也曰安康公主駙馬獨孤謙會要長安志讀禮通攷俱有作獨孤彥雲五禮通攷作謙云有碑見京兆金石錄新史公主傳作獨孤謀文獻通攷稱安康公主駙馬史仁表蓋以普安與安康易誤也曰臨川公主駙馬周道務會要長安志俱有文獻通攷所不載曰普安公主駙馬史仁表會要長安志俱有文獻通攷以史仁表爲安康公主駙馬而不載普安公主曰潯陽公主天長安志舊志俱有據此則公主自有潯陽范文光云晉陽反作潯陽謂志誤者似未確也惜公主傳不載無可攷也曰汝

南公主長安志有並見新史公主傳云早殤文獻通攷闕載也曰常山公主天長安志舊志俱有會要文獻通攷俱不載醴泉志載妃嬪八人越國太妃燕氏趙國太妃楊氏紀國太妃韋氏賢妃鄭氏才人徐氏鄭國夫人彭城郡夫人竇卿妹石塔文獻通攷載七人而闕載竇卿妹石塔一人長安志會要皆闕載也惟陝西通志紀國太妃韋氏作常氏越國太妃燕氏作趙國妃熊氏竇卿妹作竇卿姊餘與會要及長安志同讀禮通攷闕載鄭國夫人彭城郡夫人才人徐氏醴泉志載宰相一十四人長安志作一十三人無

宇文士及曰中書令馬周會要長安志文獻通攷俱有子吏部侍郎載孫吏部郎中覲附會要長安志文獻通攷俱有在丞郎三品中按載周子見周本傳覲載子見宰相世系表中書令岑文本會要長安志俱有新舊史同子祕書監景倩附會要長安志文獻通攷俱有會要及文獻通攷云岑文本并男景倩下又有祕書監岑景倩重出長安志在丞郎三品中文獻通攷作方倩下又作景儔舊志又作岑景倩其互誤如此宰相世系表文本子景倩官麟臺少監衛州刺史昭文館學士中書令崔敦禮會要長安志俱有司

空太子太師英國公李勣會要長安志文獻通攷俱有舊史云詔築墳一準衛霍故事象陰山鐵山及烏德韃山以旌破突厥薛延陀之功長安志作司徒與勣碑同舊史但云詔授萊國公尋封曹國無英國公文而會要諸書俱作英國公與新唐書本傳同子桂州刺史震祔會要長安志在丞郎三品中作蘭州刺史新史勣傳稱子震官桂刺史長安志又云建寧公不知卽其人否後又見丞郎三品中尙書右僕射衛公李靖會要長安志文獻通攷俱有按太平寰宇記云長安縣李靖墓在縣西南大李邨二十五里蓋誤

也弟右武衛將軍丹陽郡公客師祔會要長安志文獻通攷俱有在丞郎三品中云鎮國將軍丹陽公新舊唐書俱云官右武衛將軍無陪葬文結銜與長安志則不同也弟原州都督政明祔會要長安志文獻通攷俱有在丞郎三品中讀禮通攷重出云作正朝非是宰相世系表靖弟正朝官右衛將軍亦非也尙書左僕射虞國公溫彥博會要長安志文獻通攷俱有新舊史同特進宋國公蕭瑀會要長安志文獻通攷俱有新史同尙書右僕射申國公高儉會要長安志文獻通攷俱有作高士廉儉之字也長安志作左

僕射司空梁國公房元齡會要長安志俱有新史同舊史云貞觀十八年特敕賜以昭陵葬地侍中左光祿大夫鄭國公魏徵會要長安志文獻通攷俱有新舊史同長安志太子太師舊史云帝親製碑文太并書於石子光祿少卿叔玉附會要長安志文獻通攷俱有在丞郎三品中云衛尉卿魏叔玉新舊史陪葬無文蓋附其父也右相太子少師高陽郡公許敬宗會要長安志文獻通攷俱有新舊史同中書令郢國公宇文士及新舊史俱有會要文獻通攷俱失載太尉趙國公長孫無忌會要長安志文獻通攷俱有會

要及文獻通攷俱無初長孫無忌于昭陵封內先造墳墓至上元元年九月七日許歸葬新史略同劉昫舊史失載尙書右僕射蔡國公杜如晦長安志有會要文獻通攷俱無按如晦卒於貞觀四年其時未建昭陵安得有陪葬之典則如晦本不在列也新舊史同劉昫云貞觀七年十二月狩于少陵原詔以少牢祭杜如晦杜淹李綱之墓太平寰宇記萬年縣杜如晦墓在縣南三十里則非陪葬明矣醴泉志載丞郎三品三十五人附七人曰戶部尙書莒國公唐儉會要長安志文獻通攷俱有新舊史同舊史云官爲立

碑子殿中監嘉會耐會要長安志文獻通攷俱有讀
禮通攷作素會非宰相世系表嘉會洋州刺史太子
右衛率兼工部尙書副司空武陽縣男李大亮會要
長安志文獻通攷俱有新舊史同會要長安志作戶
部尙書武陽縣公据史則作工部作縣男宰相世系
表稱大亮爲武陽房李氏出自興聖皇帝第七子豫
大亮卽豫之五世孫也作右衛大將軍武陽懿公散
騎常侍金紫光祿大夫張俊允會要長安志文獻通
攷俱有會要長安志新史傳作禮部尙書張允劉昫
云贈禮部侍郎今碑尙存作禮部尙書張後允則舊

史非也國子祭酒孔穎達會要長安志文獻通攷俱
有新舊史同子禮部侍郎志約耐會要長安志文獻
通攷俱有惟長安志作孔志亮宰相世系表穎達三
子長志元國子司業次志約禮部郎中幼志亮中書
舍人穎達三子俱無官侍郎者會要長安志未知孰
是也孫惠元工部侍郎耐會要長安志文獻通攷俱
有在丞郎三品中新史稱穎達子志終司業此脫書
元字也志立子惠元終國子博士不云工部侍郎宰
相世系表則云官國子司業所稱官位互異不知其
孰是也通直散騎常侍褚亮會要舊史長安志文獻

通攷新史俱有會要昇文獻通攷作太常卿乃贈官也祕書監丞與縣子虞世南會要長安志文獻通攷俱有新舊史同會要文獻通攷作禮部尙書者乃其贈官也工部尙書閣立德會要長安志新史文獻通攷俱有舊史無陪葬文游師雄昭陵圖及舊志通志作閣立本誤也著作郎宏文館學士姚思廉會要長安志文獻通攷俱有新舊史同天策上將尙書令薛收會要長安志文獻通攷俱有舊史同惟會要諸書作天策府記室新史作天策府記室參軍按天策府秦王府也舊史昇此同特進觀國公楊恭仁會要長安志文獻通攷俱有新舊史同文獻作楊仁恭非也子右屯衛將軍師訓師字非當作思長安志文獻通攷俱有在功臣大將軍中會要失載宰相世系表作左屯衛潼關志云楊思訓墓在城西五里則思訓未尙陪葬宜其會要不載也宗正少卿金紫光祿大夫平原郡公長孫敞會要長安志文獻通攷俱有新舊史同會要長安志作幽州都督者贈官也宰相世系表敞无忌之從父作平原安男曰輔國大將軍夔國公劉宏基會要長安志俱昇新舊史同文獻通攷作夔國公宏基蓋失書姓也長安志作夔國公劉洪基

又有輔國大將軍宏基在功臣大將軍中蓋一人重出也兵部尙書房仁裕會要長安志文獻通攷俱有長安志作衛尉卿齊國公五禮通攷作戶部尙書云見京兆金石錄光祿卿房光義會要長安志文獻通攷俱有子原州別駕暉咸陽縣丞曜肅會要文獻通攷俱有長安志闕載曰衛尉卿房光敏會要長安志文獻通攷俱有文獻作房光謙子閬州刺史誕肅會要長安志文獻通攷俱有曰甯州刺史竇義節會要長安志文獻通攷俱有宰相世系表作號州刺史五禮通攷作甯州刺史竇義節又有甯州刺史賈義節

賈竇二字形近之誤竇一人而重出也曰清河郡主贈鴻臚卿竇庭蘭會要長安志文獻通攷俱有宰相世系表庭蘭義節孫官終衛尉少卿曰洪州刺史吳黑闥會要長安志文獻通攷俱有昭陵圖作劉黑闥非也集古錄按吳廣碑云廣字黑闥唐初與程知節秦叔寶等俱從太宗征伐後與誅建成有功至高宗時爲洪州都督以後唐書不見其名字攷會要載陪葬昭陵有洪州刺史吳黑闥不言其名廣也舊史秦叔寶傳叔寶爲王世充所得署龍驤大將軍因其出抗官軍至于九曲與程徽金吳黑闥牛進達等數十

騎西馳百許步下馬拜世充曰雖蒙殊禮不能仰事
請從此別世充不敢逼于是來降則吳黑闥姓名實
見于史矣歐陽公何削之而不錄其事跡耶曰汝州
別駕房漸左清道率房恒晉州刺史裴藝會要長安
志文獻通攷俱有惟舊志漸作房佐恒作房四誤也
雍州刺史李弼會要長安志文獻俱有文獻作雍州
長史新唐書李勣傳稱以晉州刺史召爲司衛卿宰
相世系表亦作司衛卿未知孰是曰原州都督史幼
虔陝王府司馬史爲謙會要長安志文獻通攷俱有
惟文獻作吏爲虔長安志但云陝王府司馬謙皆誤

也曰簡州刺史建甯公李震會要長安志文獻通攷
俱有而文獻不書建甯公舊志又有銀青光祿大夫
李震而無此李震會要有此而無銀青光祿大夫李
震長安志則重出焉按震世勣子宰相世系表作梓
州刺史新史李勣傳桂州刺史未知孰是曰宗正卿
段綸金紫光大夫長孫璿贈吏部尙書安康伯長安
志有文獻通攷俱闕載惟宰相世系表璿作濬官常
州刺史安康伯曰太史令薛願長安志有按舊唐書
方技傳有薛願授太史丞累遷太史令後上表請爲
道士太宗爲置紫府觀主事又勅于觀中建一清臺

特無陪葬事宜文獻所不載也曰銀青光祿大夫李震長安志有文獻通攷不載似與勣之子震爲二人宰相世系表東祖諤之後有太子中允李震東祖後有溧水尉李震姑臧大房有起居郎李震又有泉州刺史李震東祖後又有大理丞李震或同時或不同時似皆非志載之李震也曰中書舍人杜正倫長安志有兩史傳無陪葬事宜不載于文獻通攷也宰相世系表正倫洹水杜氏與如晦非同族相高宗似不應陪葬昭陵也王守安王君愕李聲師諸書所不載惟見此耳醴泉志載功臣大將軍以下六十七人附

十人曰右驍衛大將軍薛國公阿史那忠會要長安志新舊史文獻通攷俱有文獻作薛國公阿史那忠曰開府儀同三司鄂國公尉遲敬德會要長安志新舊史俱有文獻通攷作鄂國公尉遲敬德子衛尉卿尉遲寶琪會要長安志文獻通攷俱有皆作大將軍長安志作尉遲寶林舊史云官至衛尉卿無陪葬事蓋子孫聽其祖父葬也讀禮通攷據京兆金石錄又有尉遲寶琳醴泉志疑一人分爲二也曰左領軍大將軍虢國公張士貴舊史會要俱有文獻通攷作虢國公張士貴長安志作左鎮衛大將軍舊傳云右武

中陽石列 卷十一
侯將軍累遷左領軍大將軍改封虢國公未聞遷鎮
衛大將軍之職攷之百官志有鎮威鎮軍而無鎮衛
此長安志之誤也曰左武衛大將軍翼國公秦叔寶
新舊史會要長安志俱有文獻通攷作胡國公與會
要同長安志誤作李叔寶讀禮通攷作秦瓊或着其
名或舉其字也舊傳云太宗特令所司就其塋內立
石人馬以旌戰功又云貞觀十三年改封胡國公今
碑尚存亦作鄂國公曰右武侯大將軍天水郡公耶
行恭新舊史會要長安志俱有文獻作大將軍長安
志作左武衛大將軍曰鎮軍大將軍段志元新舊史

長安志俱有文獻通攷作將軍曰左衛大將軍芮國
公豆盧寬新舊史會要長安志俱有文獻通攷作芮
國公志云文獻作盧寬或見俗本耳子左衛將軍芮
國公行業舊史豆盧寬傳云欽望父仁業高宗時爲
左衛將軍萬年宮碑陰題名作承基讀禮通攷云馬
氏通攷陪葬昭陵姓氏有豆盧承基以業爲基當避
明皇諱改焉而攷之文獻又有將軍豆盧承基攷宰
相世系表豆盧寬三子長承業次懷讓季方則而無
名行業者此文獻通攷所重出也孫金州刺史貞松
耐會要長安志俱有在丞郎三品中宰相世系表貞

松懷讓子官宗正卿封中山公俗本文獻通攷有作
虞赤松陝西通志作盧赤松皆誤也疑貞松似字非
名余有豆盧遜墓志稱遜字貞順駙馬都尉懷讓之
第三子貞松遜之兄也兄弟名字自當一律皆當以
貞字爲是貞松當別有一人但不顯于時乃以字行
也唐人名顯則以名行字顯則以字行初無一定也
曰左領軍大將軍盧國公程知節會要長安志新舊
史文獻通攷俱有曰左屯衛將軍金城郡公姜行本
會要長安志新舊史俱有文獻通攷作大將軍姜確
行本其字也子安北都護簡會要長安志新舊史俱



P18 后缺

